



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus II. De excommunicato vitando, & non vitando.

[urn:nbn:de:hbz:466:1-73064](#)

ac proinde vendicat tria; primum, ut detur causa justa, & rationabilis, propter quam feratur; secundum, ut debito modo feratur: tertium, ut animo recto, ab habente potestatem, id est, à proprio judice feratur: *injusta* dicitur, quae in aliquo ex tribus assignatis deficit. Dividitur, 3. ratione efficacie in *validam*, quae efficax est, & *invalidam*, quae nulla, & inefficax est. Dividitur, 4. ratione potestatis absolvendi in *reservatam*, & non *reservatam*. Quae est ab homine, communiter reservata est suo authori, vel ejus Successori, ita ut juxta Covar. in c. *Alma mater*, §. 12. n. 13. nec per superiorem ejus absolviri possit, nisi de ejus scientia. Quae est à jure, & reservata, à nemine regulariter potest absolviri, præterquam ab eo, cui reservata est. Si autem nulli reservetur, absolviri potest ab Episcopo, imò à proprio parocho in foro conscientiæ. *Anathema* non differt substantialiter ab excommunicatione majori, sed tantum solemnitate, & apparatu. Reliqua ex dictis à n. 1609. resolvi posunt.

ARTICULUS. II.

De excommunicato vitando, & non vitando.

1860 Cum in sequentibus frequens mentione futura sit de excommunicatis vitandis, vel toleratis, not. *vitandum* dici, quem fideles tenentur vitare quoad communicationem cum illo tam in sacris, quam in civilibus, & politicis; & ideo talis etiam dicitur *non toleratus*; is verò, quem non tenentur evitare, sed cum quo communicare possunt, dicitur *toleratus*, & non *vitandus*. Olim, & jure antiquo omnis excommunicatus excommunicatione majori vitandus erat à fidelibus, ac proinde nullus cum illo licet habere poterat ullam communicationem; patet ex c. *Excommunicatos*, 11. q. 3. ex constitutione Calixti, ubi loquitur de excommunicatis quibuscumque: nunc tamen jure novo, ex Constitutione Concilii Constantiensis, quod celebratum est anno 1414. & confirmatum à Martino V. tantum vitandi sunt. 1. qui sunt excommunicati excommunicatione majori, & vel publicè, ac specialiter denuntiati; aut adeo notoriè & sacrilegè percussérunt Clericum, ut eos in censuram canonis incidisse, nullà tergiversatione, vel suffragio celari possit; ita Concilium Constan-

tiente in Extravag. ad evitanda; illius verba sunt: *ad evitanda scandala &c. nemo tenetur abstinere à communicatione cum excommunicato, nisi sententia, seu excommunicationis fuerit à Judge promulgata, vel denuntiata specialiter & expresse: tum subiungit aliud genus vitandorum, scilicet notiorum persecutorum Clerici actu sacrilego.*

Exinde sequitur, quod nullus se tueri possit privilegio Sedis Apostolice in c. *Nobilis h. t.* quo minus vitare debeat talen excommunicatum non toleratum, post hanc constitutionem Concilii Constantiensis at rationem non omnes eandem afferunt. Aliqui dicunt; quia præceprum vitandi est juris divini; sed contrarium esse patet ex Extravag. Martini V. ad evitanda. Vera igitur ratio est, non quod Pontifex non possit concedere tale privilegium; sed solum, quod hoc non veniat generali privilegio exemptionis; Sic Barbosa in cit. *Nobilis*, n. 6. Hinc intellige textum de privilegio Sedis Apostolicae generali quod exemptionem.

Not. autem 1. quod haec constitutione ad evitanda, sit posterior constitutione Clementis III. in c. *Cum non ab homine*, de sent. excom. ubi præcipit, ut publicus excommunicatus vitetur publicè; occultè, occulè. Constitutioni Concilii Constantiensis aliqui volunt per Concilium Basileensem, illo posterius, sess. 20. in fine, sub tit. de excommunicatis vitandis, moderationem adhibitam esse, ut non solum notorius Clerici percussor; sed quicunque notorius excommunicatus vitandus esset. Verum constitutionem Concilii Constantiensis, hoc non obstante, integrum servandam esse, docet Sylvester, Suarez, Navar. Victoria, Avila, Coninch, & alii, quos citat, & sequitur Castropal. n. 5. quia Concilium Basileensem fuit acephalum, atque adeo destitutum omnia autoritate; & in Concilio Lateranensi sub Leone X. sess. 11. dicitur, non fuisse Concilium, sed conciliabulum; errasseque in multis, maximè in depositione Eugenii IV. ita Castropalauus, & addit Gibalinus disq. 7. q. 1. n. 4. & 8. hanc constitutionem tuto admitti propter communionem jam ejus usum, licet fortasse vim legis synodalis, & universalis non obtineat; & propter hoc juri communii non deroget.

Not. 2. in dicta constitutione Concilii Constantiensis (ubi permittitur fidelibus cum certis excommunicatis aliqua comuni-

municatio, de qua dicemus infra) adjungi, non esse de mente Concilii, favorem aliquem per hoc facere iisis excommunicatis, sed tantum fidelibus. Ex quo sequitur, omnem cum excommunicatis toleratis communionem, fidelibus permitti; cum solum vitandi sint illi, qui aut notorii sunt percussores Clerici, vel nominatim denuntiati; non tamen aliter, quam si à fidelibus requirantur.

1864 Not. 3. Non eopio censeri denuntiatum, quod quis publicè declaratus sit commisso crimen, cui annexa est censura. Nam declarare crimen, & consequenter censuram, non est specialiter, & expressè denuntiare censuram, sed tantum indirectè & implicitè; ita Navarrus, Castropal. Gibalinus disq. 7. q. 1. n. 18. §. non sufficit, cum Reginaldo & Sanchez, contra Salas, Guttierrez, Avila, Bonacina, Sanctarell, Covar. & alios ibi, qui tenent oppositum.

1865 Not. 4. Ut percussor Clerici dicatur notorius, requiri, quod percussio facta sit coram maiore parte populi viciniae, vel communitalis, in qua ad minus sunt decem, quibus constet, nullâ tergiversatione, vel suffragio injustitiam celari posse; Sic Navar. Avila, Layman, Hurtad, Coninch cum apud Castropal. n. 7. quamvis addat Castropalaus n. 8. solam famam à fide dignis ortam, plenè & integrè probatam, de percussione Clerici, vel denuntiatione sufficere, ut vitandus sit percussor.

1866 Not. 5. Excommunicatum, in uno loco denuntiatum, vitandum esse ubilibet, doceri ab Henr. Valsq. Filliuc. & Bonacina, sed probabilius negari à Castropala p. 4. n. 9. cum Sanchez, Avila, & aliis. Quia excommunicatus, *publicus in uno loco*, non est censendus *publicus in alio*. Quando autem dicitur, quod denuntiatio *afficiat personam*, intellige *respectu corum*, in quorum notitiam venit denuntiatio. Unde, quoniam obligatio vitandi etiam secreto, oriatur ex denuntiatione notoria; ubi non est notoria, ibi non teneris vitare etiam secreto, licet alibi denuntiatum.

1867 Ex his inferes. 1. quod non teneatis eum vitare, quem etiam evidenter nosti excommunicatum, si non sit notorius Clerici percussor, vel publicè, specialiter & expressè denuntiatus, sequitur ex n. 1860. idem est, si dicatur: *Excommunicamus Petrum incendiarium, & ejus complices, il-*
Tom. V.

lamque, & complices ut tales denuntiamus. Teneris enim tantum vitare Petrum, non complices; hi enim non sunt *specialiter*, sed tantum *generaliter* denuntiati. Similiter nec teneris vitare excommunicatum, privatimque in cubiculo denuntiatum; quia talis non est denuntiatus *publicè*.

Quærunt aliqui, an obligatio vitandi 1868 excommunicatum denuntiatum, vel notorium Clerici percussorem sit juris divini? Respondet Suarez, & alii cum Castropal. p. 4. n. 2. esse solius juris Ecclesiastici; alias illam non posset Ecclesia restringere, vel extendere, aut mutare; sicut pro varietate temporum factum esse constat ex c. quoniā multos, 11. q. 3. hinc verba Matthæi c. 16. de habendo sicut Ethnico, qui Ecclesiam non audierit &c. non sunt præcepti, sed tantum consilii. Coeterum ut obligeris vitare excommunicatum non toleratum, requiritur certitudo moralis, cum esset talem; Sic Tamburinus l. 10. tr. 1. de excom. c. 3. §. 3. Et ut quis propter notoriam Clerici percussionem vitandus sit, non sufficit notoritas juris, sed requiritur facti, ut dictum est alibi.

ARTICULUS III.

Quae communicatio fidelibus permittatur cum excommunicatis toleratis?

R Esp. permitti omnem fidelibus, acsi ii, 1869 qui stante excommunicatione tolerantur, excommunicati non essent, etiam seclusa necessitate; ita Gibalin. disq. 7. q. 1. p. 3. Extravag. ad evitanda. Ratio est, quia ex nullo capite fidelibus interdictur communicatio cum excommunicatis toleratis; aliud clare permittitur à Concilio Constantiensi, modò non inducas eos ad actionem, quam sine peccato, ex alio capite, quam ex vi censuræ, peragere non possent. Hinc fideles licet petunt sibi administrari Sacraenta ab excommunicatis toleratis; & hi ad fideliū instantiam licet exercent suas actiones, perinde, ac si excommunicati non essent. Cùm enim fidelibus directè concedatur facultas utendi illorum communione; indirectè etiam illis conceditur facultas exhibendi petita. Nam alias fideles non possent licet uti concessione Concilii, si illi non possent licet responderem; ita Castropalaus, & Gibalin. loc. cit. Et ideo excommunicati tolerati, à fidelibus requisiti, licet quidem exercent actus alio-

Ggg quid